

**Kõkõbì ìrì ní**  
**Yūwánī**  
**ní sǐ rǐ**  
**Tā búkū rǐ vé rǐ ã ũlũngará**

Yūwánī Yésũ vé 'bá áyúáyũ rǐ sǐ kőkõbì 'dĩri sēé 'bá kǎnísǎ vé rǐ pí ní, kǎnísǎ 'dĩri Yūwánī zì rù ní “ũkú Múngú ní ìpěé rǐ”. Yūwánī rì ẹzì ngáá kǎnísǎ 'dĩri agá nǐ. Ũlũ 'bá rǐ pí ní tǎ Yésũ ní 'yoó, kòpì ã lěkí ì lělé rǐ vé tǎ. 'Yo kòpì ní kǐnǐ, lě tǎ áda Kúrísítõ vé 'bá ụrụkọ'bée ní ríí ìmbá, ǎzini tǎ 'bá ụrụkọ'bée ní ríí ìmbá ùnjõ rú rǐ, lě kòpì ã ámákí ǎsámvú ní múké múké.

<sup>1</sup> Ma Yūwánī 'i, 'bá ǎmbúgú 'bá Yésũ rì ẹ'yǐ 'bá gí rǐ pí drǐlé gá rǐ. Mì ũkú Múngú ní ìpěé 'dĩri, á sǐ kőkõbì 'dĩri sēé mí ní, mívé anjì Múngú rì nǐ 'bá rá rǐ pí be. Ádarú á lě ìmì ǎrěvú céré lělé, 'bo adri 'yozú kǐnǐ, á lě 'yẹgá ìmì ọ'dúkùlẹgúsǐ nǐ kuyé, 'bá céré Múngú vé tǎ áda rǐ nǐ 'bá rá rǐ pí lěkí ìmì lělé.

<sup>2</sup> 'Bá lěkí ìmì, ǎ'diātāsīyǎ tǎ áda rǐ nóni 'bá ẹsì agá anigé, ìri adri 'bá ẹsì agá mụzú nyonyo.

<sup>3</sup> Ẹsì múké, ẹsì ìdríkídri, ǎzini tǎkírì Ẹtẹpì Múngú vé rǐ, ǎzini Mvọpì Yésũ Kúrísítõ vé rǐ, ǎ adri 'bá be, ǎ sē rí 'bà 'okí rí tǎ áda Múngú vé rǐ, ǎzini 'bá lěkí rí ǎngũ lělé.

<sup>4</sup> Má kǎ yǐ kǐnǐ, anjì mívé rǐ pí ã ụrụkọ'bée rì tǎ áda 'bá Ẹtẹpì ní ẹzì rǐ 'dụ ngá rá, ǎyĩkõ fụ ma ǎnì ambamba.

5 Mi ũkú Múngú ní ĩpěé má ní lěélě rĩ, tã má ní sĩ sěé ĩmi ní mívé anjĩná rĩ pi be 'dĩri, adri tã āzi ú'dí ni kuyé, ĩri tã 'bá ní nĩ rá 'dóngará gá 'dãá ni. Á lě lűú ĩmi ní 'dĩni, lě 'bâ lěkĩ 'bâ lělē.

6 'Bá rĩ 'du dō tãĩmbĩ Múngú vé rĩ ngaá rá, 'dĩri lű 'yozú kĩnĩ, 'bá 'dĩri lěngará be. Sâ ĩmi ní 'dózú Yēsũ Kúrísítō ri ẹ'yĩzú rĩ gé 'dãá, ĩmi yĩkĩ rá Múngú kĩnĩ, lě ĩmi lěkĩ ĩmi lělē ĩmi ọgũpĩ be.

7 'Bá kárakará mĩ ũ'bã'bée ni pi ayikĩ muzú nyọókú rĩ drĩgé sĩ 'dĩ'dĩ, kọpi ri 'bá rĩ pi ímbá muzú ũnjō sĩ, kọpi kĩnĩ, tĩkĩ Yēsũ Kúrísítō ri nyọókú drĩgé nōgó 'bá áda rú kuyé. 'Bá 'dĩni 'dĩ'bée, kọpi ũnjó rú, kọpi ari'ba Kúrísítō vé ni.

8 ĩmi adrikĩ mĩ be kọwũ tã 'dĩri sĩ, ẹzĩ Múngú vé ĩmi ní ngaá 'dĩri, ã drã rĩ kána ku, Múngú ã ũfē rĩ ãndēma ĩmi ní ẹzĩ rĩ ngazú rĩ pi ãrěvú céré.

9 Lě 'bá āzi ã újá tã Kúrísítō ní ímbá rĩ ũlűú ũ'dũ be túngú ku, ĩri sē Múngú ri 'bá rĩ adi ãní 'í drĩgé sĩ rá. 'Bo 'bá rĩ áwĩ dō tã Mvọpĩ ní ímbá rĩ ruú tĩtĩ, Ẹtẹpĩ pi Mvọpĩ be, kọpi adri ĩri be trũ.

10 'Bá āzi ífĩ dō ĩmi ãsámvú gé, ímbá dō tã áda Kúrísítō vé rĩ kuyé, lě ĩmi ẹ'yĩkĩ ĩri ĩmívé ãngá ku, dōku ẽ ẹzikĩ ĩri ku.

11 'Bá rĩ ẹ'yĩ dō 'bá 'dĩni 'dĩri ãkã, ĩri fi ũnjĩkãnyã 'bá 'dĩri ní 'oó rĩ 'o ĩndĩ.

12 Ma tã be tré, á lě lűú ĩmi ní, 'bo á lě tã rĩ sĩ sěé kọkọbĩ agá ku. Má ũsũ, á lě muú ĩmi vúgá 'dĩlé ú'díkĩrĩná nōgó, 'bâ úmúkĩ rĩ 'bâ ĩmi be, 'bá átákĩ rĩ trũ, 'bâ 'bãkĩ rĩ ãyĩkō ĩmi be trũ.

13 Mĩ ọmvúpĩ Múngú ní ĩpěé rĩ vé anjĩ Múngú ri nĩ'bá rá rĩ pi, sēkĩ mí ní mōdó.

**Ụ'dúkọ Múké Múngú vé rị**  
**Keliko: Ụ'dúkọ Múké Múngú vé rị New Testament+**  
copyright © 2017 Wycliffe Bible Translators, Inc.

Language: (Keliko)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 25 Aug 2024 from source  
files dated 29 Jan 2022

14717198-957a-524c-b31f-2c3197945b20